

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-12896/23
18. aprila 2023. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17) i člana 117. i 119. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), Skupština Kantona Sarajevo, na Trećoj radnoj sjednici održanoj dana 18.04.2023. godine, donijela je

ODLUKU

**O PROGLAŠENJU TEMELJNIH UDRUŽENJA
KULTURE NARODA BOSNE I HERCEGOVINE OD
POSEBNOG INTERESA ZA KANTON SARAJEVO**

I

(Temeljna udruženja kulture)

Ovom odlukom proglašavaju se temeljna udruženja kulture naroda Bosne i Hercegovine, za kulturne organizacije od posebnog interesa za Kanton Sarajevo i to:

- Bošnjačka zajednica kulture "Preporod",
- Hrvatsko kulturno društvo "Napredak",
- Srpsko prosvjetno i kulturno društvo "Prosvjeta",
- Jevrejsko kulturno-prosvjetno i humanitarno društvo "La Benevolencija",
- Vijeće kongresa bošnjačkih intelektualaca (VKBI),
- Hrvatsko narodno vijeće BiH (HNV) i
- Srpsko građansko vijeće Pokret za ravnopravnost u BiH (SGV).

II

(Afirmacija izuzetnih kulturnih vrijednosti)

Dosljedno programskim ciljevima razvoja i afirmacije kulture, Kanton Sarajevo potvrđuje svoje opredjeljenje podršci kulturnih aktivnosti temeljnih udruženja kulture iz tačke I ove odluke u cilju stvaranja pretpostavki za afirmaciju izuzetnih kulturnih vrijednosti u njihovoj organizaciji na domaćem, regionalnom i međunarodnom nivou.

III

(Planiranje budžetskih sredstava)

Zadužuju se Vlada Kantona Sarajevo, Ministarstvo za nauku, visoko obrazovanje i mlade Kantona Sarajevo, Ministarstvo kulture i sporta Kantona Sarajevo i Ministarstvo finansija Kantona Sarajevo da u Budžetu Kantona Sarajevo za 2023. godinu i dalje, planiraju i obezbjeđe finansijska sredstva za ostvarivanje ciljeva iz tačke II ove odluke.

IV

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo".

Broj 01-04-12888/23
18. aprila 2023. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu čl. 18. tač. b) i k), 29. stav (1) tačka e) i 38. stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 40. stav (5) i 41. Zakona o dugu, zaduživanju i garancijama u Federaciji BiH ("Službene novine Federacije BiH", br. 86/07, 24/09, 44/10 i 30/16) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11 i 07/19), Skupština Kantona Sarajevo na Trećoj radnoj sjednici, održanoj dana 18.04.2023. godine, donijela je

ODLUKU

**O PRIHVATANJU ZADUŽENJA PO UGOVORU O
ZAJMU IZMEĐU BOSNE I HERCEGOVINE I
EVROPSKE BANKE ZA OBNOVU I RAZVOJ (EBRD)
ZA PROJEKAT "TRAMVAJSKA PRUGA ILIDŽA -
HRASNICA"**

I

Prihvata se zaduženje Kantona Sarajevo (u daljem tekstu: Kanton) po Ugovoru o zajmu između Bosne i Hercegovine (u daljem tekstu: BiH) i Evropske banke za obnovu i razvoj (u daljem tekstu: EBRD) za projekat "Tramvajska pruga Ilidža - Hrasnica", u iznosu do 25.000.000 EUR.

II

Sredstva zajma iz tačke I ove odluke koristit će se za realizaciju projekta "Tramvajska pruga Ilidža - Hrasnica" (u daljem tekstu: Projekat), a implementirat će ga Ministarstvo saobraćaja Kantona.

Svrha Projekta je rješavanje jednog od ključnih izazova u razvoju infrastrukture javnog prijevoza u Sarajevu, pristupa čistom gradskom prijevozu, kao i poboljšanjem tačnosti, kapaciteta i učinkovitosti usluga javnog prijevoza. Takođe se odnosi i na rješavanje prioritarnih pitanja zaštite okoliša koja se odnose na kvalitet zraka kroz promociju upotrebe javnog prijevoza.

Projekt se sastoji od:

- Proširenja dvosmjerne tramvajske pruge od Ilidže do Hrasnice, izgradnje novog kružnog toka na Ilidži gdje će se izvršiti priključak na postojeće tramvajske pruge i polukružnog skretanja u Hrasnici (ukupne dužine cca 12,96 km) i izgradnja približno dvadeset novih tramvajskih stanica
- Konsultantske usluge za nadzor radova.

III

Sredstva zajma iz tačke I ove odluke prihvataju se u formi vanjskog indirektnog duga, pod sljedećim uslovima:

- iznos zajma	25.000.000 EUR
- rok otplate	15 godina
- grace period	3 godine (uključen u rok otplate zajma)
- kamatna stopa	šestomjesečni Euribor + 1% marža, na godišnjem nivou
- dospijeća	polugodišnje, u j ednakim otplatama glavnice (na dan 20. januar i 20. juli)
- jednokratna provizija	1% na iznos glavnice zajma

Iznos provizije na raspoloživa, a neisplaćena sredstva će biti 0,5% godišnje.

IV

Potvrđuje se daje razmatrana dokumentacija prihvatljiva za Kanton:

- Potpisan Zapisnik sa pregovora između BiH i EBRD-a od 01.08.2022. godine
- Nacrt ugovora o zajmu između BiH i EBRD-a
- Nacrt ugovora o podršci zajma između Kantona i EBRD-a
- Nacrt projektnog ugovora između Ministarstva saobraćaja Kantona i EBRD-a

V

Sredstva zajma iz tačke I ove odluke, prenijet će se na Kanton potpisivanjem podugovora o zajmu između Federacije BiH i Kantona. Navedenim podugovorom Federacija BiH će prenijeti prava i obaveze na Kanton pod istim uslovima, a u skladu sa odredbama Ugovora o zajmu.

VI

Daje se saglasnost za zaključivanje podugovora o zajmu između Federacije BiH i Kantona, ugovora o podršci zajma između Kantona i EBRD-a i projektnog ugovora između Ministarstva saobraćaja Kantona i EBRD-a, za zajam iz tačke I ove odluke.

Daje se ovlaštenje premijeru Kantona da potpiše podugovor o zajmu sa Federacijom BiH, kao i instrumente obezbjeđenja Zajma koji proizilaze iz podugovora.

Daje se ovlaštenje premijeru Kantona da potpiše ugovor o podršci zajma sa EBRD-om.

Daje se ovlaštenje ministru Ministarstva saobraćaja Kantona da potpiše projektni ugovor sa EBRD-om.

VII

U svrhu redovne otplate Zajma, Kanton je saglasan da Federacija BiH, u slučaju neredovnog ispunjavanja obaveza po Zajmu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu.

Kanton se obavezuje da će u svrhu naplate svih potraživanja po ovom zajmu, Federaciji BiH dostaviti bjanko mjenice sa klauzulom "bez protesta" i Mjeničnom izjavom ovjerenom i potpisanom od strane premijera Kantona.

Kanton ovlašćuje Federaciju BiH da primljene bjanko mjenice može koristiti za naplatu dospjelog potraživanja.

VIII

U periodu dospijeca obaveza po Zajmu potrebno je iz budžeta Kantona osigurati sredstva za servisiranje obaveza po Zajmu.

Dodatna sredstva za plaćanje PDV-a, carine i drugih naknada u periodu implementacije Projekta obezbijedit će Ministarstvo saobraćaja Kantona.

IX

Za realizaciju ove odluke i izvještavanje zadužuju se Ministarstvo finansija Kantona, Ministarstvo saobraćaja Kantona, svako u okviru svoje nadležnosti.

X

Implementacija Ugovora o zajmu, iz tačke I ove odluke, zahtijeva donošenje novih i/ili izmjenu postojećih propisa.

XI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-12894/23
18. aprila 2023. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine grada Sarajeva", broj 7/94) i ("Službene novine Kantona Sarajevo", broj 12/06), na prijedlog Komisije za obilježavanje, čuvanje i njegovanje historijskih događaja i ličnosti, Skupština Kantona Sarajevo, na Sedmoj radnoj sjednici održanoj dana 19.04.2023. godine, donijela je

ODLUKU

O IZMJENI NAZIVA ULICE, ODNOSNO
PREIMENOVANJE ULICE NA PODRUČJU OPĆINE
NOVO SARAJEVO

I

Ovom odlukom vrši se izmjena naziva ulice, odnosno preimenovanje ulice na području Općine Novo Sarajevo, kako slijedi:

1. Ulica Zvornička od broja 1 do 61 (bivša Dinarska ulica, od broja 1 do 45), mijenja se i glasi:
"Bulevar Ivice Osima".

II

Nadležni organ uprave Općine Novo Sarajevo dužan je da u što kraćem roku izvrši izmjenu naziva ulice za nadležno područje, a Zavod za planiranje razvoja Kantona Sarajevo dužan je u roku od 8 dana uvrstiti u Registar ulica, trgova i mostova, naziv iz tačke I ove odluke.

III

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 01-04-13859/23
19. aprila 2023. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine grada Sarajeva", broj 7/94) i ("Službene novine Kantona Sarajevo", broj 12/06), na prijedlog Komisije za obilježavanje, čuvanje i njegovanje historijskih događaja i ličnosti, Skupština Kantona Sarajevo na Sedmoj radnoj sjednici održanoj dana 19.04.2023. godine, donijela je

ODLUKU

O DAVANJU NAZIVA CESTI NA PODRUČJU OPĆINE
STARI GRAD SARAJEVO

I

Ovom odlukom vrši se davanje naziva cesti koja se proteže od Opservatorija duž bob staze do Vidikovca na Trebeviću, na području Općine Stari Grad Sarajevo - MZ "Širokača", kako slijedi:

1. Cesti na području Općine Stari Grad Sarajevo - MZ "Širokača, daje se naziv i glasi:
"Ulica Alije Oruča".

II

Nadležni organ uprave Općine Stari Grad Sarajevo dužan je da u što kraćem roku izvrši davanje naziva cesti u MZ "Širokača", a Kantonalni zavod za planiranje razvoja Kantona dužan je u roku od 8 dana uvrstiti u Registar ulica, trgova i mostova, naziv iz tačke I ove odluke.